



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES  
*Secretary*

Broj: 01/c-11-527/26-5  
Sarajevo, 18. 2. 2026. godine

Na osnovu čl. 64. stav (1) i čl. 70. Zakona o javnim nabavkama ("Službeni glasnik BiH" br. 39/14, 59/22 i 50/24), na prijedlog stalne Komisije za javne nabavke Zastupničkog doma, imenovane Rješenjem broj: 01/c-11-568/26 od 3. 2. 2026. godine, u skladu sa Zapisnikom o pregledu i ocjeni ponuda, broj: 01-11-527/26-4 od 18. 2. 2026. godine, tajnik Zastupničkog doma Parlamenta Federacije BiH, **d o n o s i**:

**O D L U K U**

**o izboru najpovoljnijeg ponuđača u postupku javne nabavke usluga obaveznog i punog kasko osiguranja bez franšize za službena vozila Zastupničkog doma Parlamenta Federacije BiH**

**I.**

Okvirni sporazum za sukcesivno pružanje usluga obaveznog osiguranja i punog kasko osiguranja bez franšize sa uključenim rizikom od krađe za službena vozila Zastupničkog doma Parlamenta Federacije BiH, dodjeljuje se ponuđaču **GRAWE osiguranje d.d. Sarajevo**, za ponudenu ukupnu vrijednost ponude u iznosu od **5.645,53 KM** bez PDV-a.

**II.**

Ponuda ponuđača iz tačke I. ove Odluke zadovoljava sve uslove utvrđene u predmetnom konkurentskom zahtjevu za dostavu ponuda.

Izabranom ponuđaču iz tačke I. ove Odluke, okvirni sporazum će biti dodijeljen u skladu sa elementima dostavljene ponude, te uslovima i kriterijima utvrđenim u tenderskoj dokumentaciji

**III.**

Izabrani ponuđač oslobađa se obaveze dostavljanja dokaza po članu 45. Zakona, obzirom da je iste dostavio u ponudi.

**IV.**

Ova odluka objavit će se na web-stranici ugovornog organa, istovremeno s upućivanjem obavijesti ponuđačima koji su učestvovali u postupku javne nabavke, u skladu sa članom 70. stav (6) Zakona.

## O b r a z l o ž e n j e

Nabavka usluga obaveznog osiguranja i punog kasko osiguranja službenih vozila za potrebe Zastupničkog doma Parlamenta Federacije BiH, pokrenuta je Odlukom o pokretanju postupka javne nabavke, broj: 01/c-11-527/26 od 29. 1. 2026. godine.

Postupak javne nabavke proveden je putem konkurentskog zahtjeva za dostavu ponuda. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 56-7-2-2-3-3/26 od 3. 2. 2026. godine, te „Sl. glasniku BiH“, broj 9/16.

Krajnji rok za prijem ponuda bio je: 13. 2. 2026. godine do 10:00 h, a javno otvaranje ponuda je upriličeno isti dan na adresi ugovornog organa u 10:30 sati. Do ostavljenog roka zaprimljene su tri (3) ponude ponuđača i to: Grawe osiguranje d.d. Sarajevo, Adriatic osiguranje d.d. Sarajevo i Sarajevo osiguranje d.d. Sarajevo.

Komisija za javne nabavke Zastupničkog doma Parlamenta Federacije BiH, izvršila je pregled i ocjenu ponuda (Zapisnik o pregledu i ocjeni ponuda, broj: 01-11-527/26-4 od 18. 2. 2026. godine (u daljem tekstu: Zapisnik) je u prilogu ove Odluke).

Na prijedlog Komisije, Ugovorni organ je dana 16. 2. 2026. godine uputio ponuđaču Grawe osiguranje d.d. Sarajevo, Zahtjev za pojašnjenje neprirodno niske ponuđene cijene, u skladu sa članom 17. stav (7) i (8) Upustva za pripremu modela tenderske dokumentacije i ponuda (“Sl. glasnik BiH” br. 90/14 i 20/15), jer je ponuda ponuđača Grawe osiguranje d.d. Sarajevo više od 20% niža od cijene drugorangirane prihvatljive ponude. Članom 66. Zakona o javnim nabavkama (“Sl. glasnik BiH” br.39/14, 59/22 i 50/24), određeno je na šta se objašnjenje neprirodno niske cijene ponuđača mogu odnositi:

- a) ekonomičnost proizvodnog procesa, pruženih usluga ili građevinske metode;
- b) izabrana tehnička rješenja i/ili izuzetno pogodne uslove koje ponuđač ima za dostavu robe ili usluga ili za izvođenje radova;
- c) originalnost robe, usluga ili radova koje je ponuđač ponudio;
- d) usklađenost s važećim odredbama koje se odnose na radnu zaštitu i uslove rada na mjestu gdje se isporučuje roba, pruža usluga ili izvodi rad;
- e) mogućnost da ponuđač prima državnu pomoć.

Dana 17. 2. 2026. godine ponuđač Grawe osiguranje d.d. Sarajevo je dostavio obrazloženje neprirodno niske ponuđene cijene. U svom obrazloženju detaljno je obrazložio iznos dostavljene ponude, na način da je formirao cijenu baziranu na obračun premije obaveznog osiguranja koji je pripremljen u skladu sa Zakonom o obaveznim osiguranjima u saobraćaju, kao i važećim cjenikom za osiguranje vlasnika vozila od odgovornosti za štetu prouzrokovanu trećim licima, zatim obračun premije osiguranja putnika od nezgode (AN) pripremljen je u skladu sa važećim cjenikom premije osiguranja lica od posljedica nesretnog slučaja (nezgode), kao i obračunom premije kasko osiguranja motornih vozila, koji je pripremljen u skladu sa važećim cjenikom kasko osiguranja cestovnih vozila Grawe osiguranja d.d. Sarajevo, na način da su vozila svrstana u premijsku grupu 1 : osobni automobili za javna preduzeća, ustanove i institucije vlasti, na osnovu dostavljenih novonabavnih vrijednosti pojedinačnih vozila, obračunata je osnovna premija osiguranja za premijsku grupu vozila, obračunati su popusti na obračunatu premiju osiguranja.

Imajući u vidu da je obrazloženje dostavljeno u skladu sa primjenom odredbi važećih uslova i tarifa za osiguranje motornih vozila, isto je ocjenjeno kao prihvatljivo.

Pristigle ponude ponuđača su nakon pregleda ocjenjene prihvatljive, te Komisija konstatuje da su sve tri pristigle ponude dostavljene u skladu sa tenderskom dokumentacijom broj: 01/c-11-527/26-1 od 3. 2. 2026. godine.

U skladu sa članom 64. Zakona, kriterij za dodjelu Okvirnog sporazuma je: "Ekonomski najpovoljnija ponuda". Ugovor se dodjeljuje kvalifikovanom ponuđaču koji je dostavio najbolje ocijenjenu prihvatljivu ponudu u skladu sa niže navedenim podkriterijima. Ponude se ocjenjuju na osnovu sljedećih podkriterija: **CIJENA 90 % i ROK ISPLATE ŠTETE 10 %**  
Nakon pregleda, ocjene i analize, tabela bodovanja ekonomski najpovoljnije ponude izgleda kako slijedi:


Redni broj.	Naziv/ime ponuđača	Ukupan broj bodova
1.	„GRAWE OSIGURANJE“ d.d. Sarajevo	100 bodova
2.	„ADRIATIC OSIGURANJE“ d.d.	81,29 bodova
3.	„SARAJEVO OSIGURANJE“ d.d. Sarajevo	79,54 bodova

Nakon provedenog postupka, prvorangirani ponuđač za nabavku usluga obaveznog osiguranja i punog kasko osiguranja bez franšize sa uključenim rizikom od krađe za službena vozila Zastupničkog doma Parlamenta Federacije BiH, je ponuđač Grawe osiguranje d.d. Sarajevo za ponudenu ukupnu ponudu u iznosu 5.645,53 KM bez PDV-a.

Komisija za javne nabavke Zastupničkog doma uputila je preporuku tajniku Zastupničkog doma Parlamenta Federacije Bosne i Hercegovine za izbor najpovoljnijeg ponuđača za nabavku usluga osiguranja službenih vozila Zastupničkog doma Parlamenta Federacije BiH.

Iz svega naprijed navedenog, odlučeno je kao u dispozitivu ove Odluke.

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, koji ne može biti manji od tri.

  
**TAJNIK**  
Ivan Miličević

**Dostaviti:**

- Grawe osiguranje d.d. Sarajevo, ul. Trg solidarnosti 2, Sarajevo (putem e maila: [adin.saric@grawe.ba](mailto:adin.saric@grawe.ba)),
- Adriatic osiguranje d.d. Sarajevo, ul. Trg međunarodnog prijateljstva 20, Sarajevo (putem e maila: [sejla.silajdzic@adriatic.ba](mailto:sejla.silajdzic@adriatic.ba))
- Sarajevo osiguranje d.d. Sarajevo, ul. Maršala Tita 29, Sarajevo, (putem e maila: [tenderi.drustvo@sarajevoosiguranje.ba](mailto:tenderi.drustvo@sarajevoosiguranje.ba)),
- Odsjek za računovodstvo, finasije i budžet,
- a/a.

